

**ხელშეკრულების მნიშვნელოვანი პირობები
მოთხოვნამდე დეპოზიტის ხელშეკრულება N**

[თარიღი]

დეპოზიტის საპროცენტო განაკვეთი:

- დეპოზიტის საპროცენტო განაკვეთის ტიპი: ცვლადი
- დეპოზიტის წლიური საპროცენტო განაკვეთი: -- %
- დეპოზიტის ეფექტური საპროცენტო განაკვეთი: -- %

დეპოზიტის ეფექტური საპროცენტო განაკვეთის დათვლისას დაიშვება რომ: დეპოზიტი განთავსებულია 1 წლის ვადით, ყოველი დღის ბოლოს მოთხოვნამდე დეპოზიტის ანგარიშზე არსებული ნაშთი შეადგენს [1000 (ერთი ათასი)] < ან > [10 000 (ათი ათასი)] ერთეულს და საპროცენტო სარგებელი ირიცხება თვეში ერთხელ - თვის ბოლო რიცხვში.

დეპოზიტის ეფექტური საპროცენტო განაკვეთი ითვლება დაშვებით, რომ ხელშეკრულების დადების დროს მოქმედი საპროცენტო განაკვეთი მუდმივია და უტოლდება დეპოზიტის საწყის საპროცენტო განაკვეთს.

სხვა სახელშეკრულებო ინფორმაცია:

- დეპოზიტის თანხა: [ვალუტა]
- დეპოზიტის ვადა: უვადო
- მოთხოვნამდე დეპოზიტის მინიმალური მოცულობა: მოთხოვნამდე დეპოზიტის გახსნისთვის მინიმალური თანხის ოდენობა არ არის დადგენილი.
- მოთხოვნამდე დეპოზიტის მაქსიმალური მოცულობა: 50 000 ლარი (აშშ დოლარში მისი ეკვივალენტი).
- თანხა, რომელსაც ერიცხება საპროცენტო სარგებელი: საპროცენტო სარგებელი ერიცხება მხოლოდ მოთხოვნამდე დეპოზიტის თანხას, მასზე დარიცხული საპროცენტო სარგებლის თანხის ჩათვლით.

• ხელშეკრულების მნიშვნელოვანი პირობების ცვლილების შემთხვევაში, დეპოზიტორის ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში – არანაკლებ 1 (ერთი) თვით ადრე წინასწარი შეტყობინების გზით, წერილობით, ელექტრონული ფოსტის/ინტერნეტბანკის/მოკლე ტექსტური შეტყობინების მეშვეობით.

უცხოურ ვალუტაში გახსნილი დეპოზიტის შემთხვევაში:

დეპოზიტის ეროვნულ ვალუტაში განთავსების შემთხვევაში, წლიური საპროცენტო განაკვეთი შეადგენს -- %.

უცხოური ვალუტით განთავსებული დეპოზიტი მომხმარებელს მნიშვნელოვანი რისკის წინაშე აყენებს! ვალუტის კურსის ცვლილებამ შესაძლოა ლარით გამოხატული სარგებელი მნიშვნელოვნად შეამციროს!

ლარის შესაძლო 15%-იანი წლიური გამყარების შემთხვევაში გაანგარიშებული დეპოზიტის ეფექტური საპროცენტო განაკვეთი იქნება წლიური -- %.

გთხოვთ, გაითვალისწინოთ, რომ:

▪ თქვენი დეპოზიტი დაზღვეულია „დეპოზიტების დაზღვევის სისტემის შესახებ“ საქართველოს კანონის საფუძველზე შექმნილი დეპოზიტების დაზღვევის სისტემის ფარგლებში.

▪ მომხმარებელს უფლება აქვს წარადგინოს პრეტენზია სს მიკრობანკი „ემბისის“ ნებისმიერ სერვის ცენტრში, როგორც ზეპირი, ასევე თავისუფალი წერილობითი, სტანდარტული წერილობითი ან ელექტრონული ფორმით ვებგვერდზე <http://www.mbc.com.ge/> ან/და ელ. ფოსტაზე complaint@mbc.com.ge.

გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებგვერდსა – <http://nbg.gov.ge/cp> და ცხელ ხაზზე – 032 2 406 406.

მოთხოვნამდე დეპოზიტის ხელშეკრულება N

ქ. თბილისი

[თარიღი]

მუხლი 1. ხელშეკრულების მხარეები:

1.1. მიკრობანკი: სახელწოდება: სს მიკრობანკი „ემბისი“ (შემდგომში „მიკრობანკი“)
 ქ. თბილისი, ქეთევან დედოფლის გამზირი, N68,
 იურიდიული მისამართი: სართული N1, საოფისე ფართი N2

წარმომადგენელი:
 ტელეფონი: 032 2-50-50-02
 ელ. ფოსტა: info@mbc.com.ge
 საიდენტიფიკაციო კოდი: 404967078
 საზედამხედველო ორგანოს დასახელება და მისამართი: საქართველოს ეროვნული ბანკი
 მიკრობანკის საქმიანობის ლიცენზიის ნომერი: 0114 თბილისი, საქართველო, სანაპიროს ქუჩა №2
 472

1.2. დეპოზიტორი სახელი, გვარი/სახელწოდება:
 დაბადების/რეგისტრაციის თარიღი:
 ფაქტიური მისამართი:
 რეგისტრაციის/იურიდიული მისამართი:
 პასპ/პირად.მოწმობის N/საიდენტიფიკაციო ნომერი:
 პირადი ნომერი:
 ტელეფონი:
 ელ. ფოსტა:

წარმომადგენელი:

მუხლი 2. ხელშეკრულების საგანი

2.1. მიკრობანკი უზრუნველყოფს დეპოზიტორისთვის მოთხოვნამდე დეპოზიტით მომსახურების გაწევას, წინამდებარე ხელშეკრულებით გათვალისწინებული წესებისა და პირობების შესაბამისად.

მუხლი 3. მოთხოვნამდე დეპოზიტის პირობები

3.1. მოთხოვნამდე დეპოზიტის გახსნის თარიღი:	
3.2. მოთხოვნამდე დეპოზიტის თანხა:	
3.3. მოთხოვნამდე დეპოზიტის ვადა:	უვადო
3.4. ანგარიშის ნომერი, რომელზეც ჩაირიცხება მოთხოვნამდე დეპოზიტი და საპროცენტო სარგებელი (შემდგომში „მოთხოვნამდე დეპოზიტის ანგარიში“):	
3.5. ანგარიშის ნომერი, რომლიდანაც გადაირიცხება თანხა მოთხოვნამდე დეპოზიტის ანგარიშზე, თუ მოთხოვნამდე დეპოზიტი არ იხსნება ნულოვანი ნაშთით:	
3.6. მოთხოვნამდე დეპოზიტის მინიმალური მოცულობა და ვალუტა:	მოთხოვნამდე დეპოზიტის გახსნისთვის მინიმალური თანხის ოდენობა არ არის დადგენილი

3.7. მოთხოვნამდე დეპოზიტის მაქსიმალური მოცულობა და ვალუტა:	50 000 ლარი/აშშ დოლარში მისი ეკვივალენტი
3.8. მოთხოვნამდე დეპოზიტის გატანის წესი:	მოთხოვნამდე დეპოზიტის გატანა დასაშვებია ნებისმიერ დროს, შეუზღუდავად.
3.9. საპროცენტო სარგებლის დარიცხვის წესი:	საპროცენტო სარგებლის დარიცხვა იწყება სადეპოზიტო ანგარიშზე თანხის ჩარიცხვის მომდევნო სამუშაო დღიდან და ერიცხება ყოველი დღის ბოლოს სადეპოზიტო ანგარიშზე არსებულ ნაშთს.
3.10. საპროცენტო სარგებლის გაცემის პერიოდულობა:	ყოველი კალენდარული თვის ბოლოს
3.11. მოთხოვნამდე დეპოზიტის პროლონგაციის (განახლების) პირობა:	პროლონგაციის (განახლების) უფლების გარეშე

მუხლი 4. მოთხოვნამდე დეპოზიტით სარგებლობის პირობები და საპროცენტო სარგებლის დარიცხვის წესი

4.1. მოთხოვნამდე დეპოზიტით სარგებლობის მიზნებისთვის, დეპოზიტორს მიკრობანკში ეხსნება მიმდინარე ანგარიში (ასეთის არარსებობის შემთხვევაში) და მოთხოვნამდე დეპოზიტის ანგარიში:

4.1.1. იმ შემთხვევაში, თუ მოთხოვნამდე დეპოზიტი არ იხსნება ნულოვანი ნაშთით, წინამდებარე ხელშეკრულებაზე ხელმოწერით, დეპოზიტორი მიკრობანკს ანიჭებს უფლებამოსილებას 3.4 პუნქტში მითითებულ მოთხოვნამდე დეპოზიტის ანგარიშზე დეპოზიტის თანხის გადარიცხვა განახორციელოს წინამდებარე ხელშეკრულების 3.5. პუნქტში მითითებული ანგარიშიდან.

4.2. მოთხოვნამდე დეპოზიტის ხელშეკრულების შეწყვეტის შემთხვევაში, მოთხოვნამდე დეპოზიტზე გასაცემი საპროცენტო სარგებელი ჩარიცხება მოთხოვნამდე დეპოზიტის ანგარიშზე. დეპოზიტორის მიერ დეპოზიტის თანხისა და საპროცენტო სარგებლის გატანის/დეპოზიტორის მიკრობანკში არსებულ მიმდინარე ანგარიშზე ჩარიცხვის შემდგომ, დეპოზიტორის მიკრობანკში არსებული მოთხოვნამდე დეპოზიტის ანგარიში იხურება.

4.3. მოთხოვნამდე დეპოზიტის ანგარიშზე დეპოზიტის თანხის განთავსებით მიკრობანკი მოიპოვებს მასზე საკუთრების უფლებას და იღებს ვალდებულებას, ხელშეკრულებით დადგენილი წესითა და პირობებით მოთხოვნამდე დეპოზიტს დაარიცხოს საპროცენტო სარგებელი და დააბრუნოს იგი იმავე ვალუტაში.

4.4. დეპოზიტორს, წინამდებარე ხელშეკრულების ვადის განმავლობაში, შეუძლია ნებისმიერ დროს ისარგებლოს დეპოზიტის თანხის დამატების და გატანის უფლებით. დეპოზიტორს თანხის დამატების უფლებით შეუძლია ისარგებლოს შემდეგი წინაპირობების დაცვით:

4.4.1. დეპოზიტორის მიერ მიკრობანკში გახსნილი მოთხოვნამდე დეპოზიტის თანხის ოდენობა არ უნდა აღემატებოდეს 50 000 ლარს ან მის ეკვივალენტს აშშ დოლარში;

4.4.2. მიკრობანკში დეპოზიტორის მიერ გახსნილი დეპოზიტების (ვადიანი ან/და მოთხოვნამდე დეპოზიტი) თანხების ჯამური ოდენობა არ უნდა აღემატებოდეს 50 000 ლარს ან მის ეკვივალენტს აშშ დოლარში;

4.4.3. წინამდებარე ხელშეკრულების 4.4.1-4.4.2 პუნქტებით გათვალისწინებული დეპოზიტის თანხის ოდენობის მაქსიმალური მოცულობის გადაჭარბების შემთხვევაში, მიკრობანკი უზრუნველყოფს ნამეტი თანხის დეპოზიტორის მიმდინარე ანგარიშზე გადარიცხვას.

4.5. საპროცენტო სარგებლის დარიცხვა ხორციელდება იმავე ვალუტაში რა ვალუტაშიც გახსნილია მოთხოვნამდე დეპოზიტი.

4.6. საპროცენტო სარგებლის დარიცხვა იწყება თანხის მოთხოვნამდე დეპოზიტის ანგარიშზე ჩარიცხვის დღის მომდევნო სამუშაო დღიდან და გრძელდება მოთხოვნამდე დეპოზიტის ანგარიშის დახურვამდე.

4.7. საპროცენტო სარგებელი იანგარიშება მოთხოვნამდე დეპოზიტის სარგებლობის ფაქტობრივი დღეების შესაბამისად, წელიწადში 365 (სამას სამოცდახუთ) დღეზე გაანგარიშებით.

4.8. იმ შემთხვევაში, თუ ადგილი ექნება ისეთ გარემოებებს (მათ შორის და არა მხოლოდ, ინფლაციის ზრდა, ეკონომიკური ვარდნა, საკანონმდებლო ცვლილებები და ა.შ.), რომელთა გავლენით დეპოზიტებზე დაწესებული საბაზრო საპროცენტო განაკვეთები შეიცვლება (შემცირდება) 5%-ზე მეტი ოდენობით, მიკრობანკი უფლებამოსილი იქნება, ხელშეკრულების მოქმედების ნებისმიერ ეტაპზე, ცალმხრივად, შეცვალოს დეპოზიტის საპროცენტო განაკვეთი. ამგვარი ცვლილების შესახებ, მიკრობანკი დეპოზიტორის ინფორმირებას უზრუნველყოფს ცვლილებამდე 2 (ორი) თვით ადრე, წერილობით, ელექტრონული ფოსტის/ინტერნეტბანკის/მოკლე ტექსტური შეტყობინების მეშვეობით. დეპოზიტორი უფლებამოსილია, შეტყობინების მიღებიდან 2 (ორი) თვის ვადაში, შეწყვიტოს წინამდებარე ხელშეკრულება. იმ შემთხვევაში თუ დეპოზიტორი არ ისარგებლებს აღნიშნული უფლებით, შეცვლილი საპროცენტო განაკვეთი ავტომატურად ამოქმედდება დეპოზიტორის შეტყობინებიდან 2 (ორი) თვის გასვლის შემდგომ.

მუხლი 5. განცხადებები და გარანტიები

- 5.1. წინამდებარე ხელშეკრულებაზე ხელმოწერით დეპოზიტორი ადასტურებს, რომ:
- 5.1.2. წინამდებარე ხელშეკრულება წარმოადგენს მიკრობანკსა და დეპოზიტორს შორის გაფორმებული საბანკო ოპერაციების წარმოების შესახებ ხელშეკრულების შემადგენელ და განუყოფელ ნაწილს, რომელსაც გაეცნო და ეთანხმება;
- 5.1.3. აქვს წინამდებარე ხელშეკრულების დადების და შესრულებისთვის საჭირო უფლებაუნარიანობა;
- 5.1.4. არ მონაწილეობს არც ერთ სასამართლო პროცესში (მოსარჩელის, მოპასუხის ან მესამე პირის სახით), რითაც საფრთხე ექმნება დეპოზიტორის ვალდებულებების შესრულებას, მის ქონებას ან/და აქტივებს;
- 5.1.5. წინამდებარე ხელშეკრულების დადებისას, იგი არ იმყოფება შეცდომის, მოტყუების, მის წინააღმდეგ გამოყენებული ძალადობის ან მუქარის გავლენის ქვეშ.
- 5.2. დეპოზიტორის აღნიშნული განცხადებები და გარანტიები ძალაშია მხარეთა მიერ ხელშეკრულების საფუძველზე ნაკისრი ვალდებულებების სრულად და ჯეროვნად შესრულებამდე, მიუხედავად ხელშეკრულები შეწყვეტისა. ნებისმიერი ზემოაღნიშნული დებულების დარღვევა გამოიწვევს მოთხოვნამდე დეპოზიტით სარგებლობის უფლების შეწყვეტას ან/და ხელშეკრულების შეწყვეტას.

მუხლი 6. ხელშეკრულების მოქმედება და შეწყვეტა

- 6.1. ხელშეკრულება ძალაში შედის მხარეთა მიერ მისი ხელმოწერის/დადების მომენტიდან და მოქმედებს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე. ამასთან, ხელშეკრულება აგრეთვე შეიძლება დაიდოს დეპოზიტორთან გაფორმებული საბანკო ოპერაციების წარმოების შესახებ ხელშეკრულებით განსაზღვრული დისტანციური საბანკო მომსახურების საშუალებით გამოხატული თანხმობით.
- 6.2. ხელშეკრულებით ან/და კანონმდებლობით დადგენილ შემთხვევებში და პირობებით შესაძლებელია ხელშეკრულების ვადამდე შეწყვეტა:
- 6.2.1. მიკრობანკის მიერ:
- 6.2.1.1. დეპოზიტორის მხრიდან ხელშეკრულებით განსაზღვრული უფლება-მოვალეობების სრულად და ჯეროვნად განხორციელებამდე/შესრულებამდე;
- 6.2.1.2. თუ დეპოზიტორი სრულად და ჯეროვნად არ შეასრულებს ხელშეკრულებით ან/და მიკრობანკთან დადებული ნებისმიერი სხვა ხელშეკრულებით განსაზღვრულ ნებისმიერ ვალდებულებას (მათ შორის, ფულად ვალდებულებას, განცხადებებს და გარანტიებს, ნებისმიერ პირობას ან/და სხვა ვალდებულებას);
- 6.2.2. მხარეთა შეთანხმებით;
- 6.2.3. ხელშეკრულებით ან/და კანონმდებლობით გათვალისწინებულ სხვა შემთხვევებში.
- 6.3. მხარე, რომელიც მიიღებს ხელშეკრულების ცალმხრივად შეწყვეტის გადაწყვეტილებას, ვალდებულია აღნიშნულის შესახებ წერილობით შეატყობინოს მეორე მხარეს არაუგვიანეს 30 (ოცდაათი) კალენდარული დღით ადრე, გარდა იმ შემთხვევისა, თუ წინამდებარე ხელშეკრულებით ან/და კანონმდებლობით, ხელშეკრულების შეწყვეტისთვის განსხვავებული ვადები არ არის გათვალისწინებული.
- 6.4. მიკრობანკის ინიციატივით ხელშეკრულების ვადამდე შეწყვეტის შემთხვევაში, მოთხოვნამდე დეპოზიტს საპროცენტო სარგებელი დაერიცხება მოთხოვნამდე დეპოზიტით სარგებლობის ფაქტობრივი დღეების შესაბამისად.
- 6.5. ხელშეკრულების შეწყვეტითა და დეპოზიტორის მიერ დეპოზიტის თანხისა და საპროცენტო სარგებლის მიღებით (დეპოზიტის თანხისა და საპროცენტო სარგებლის გატანის/დეპოზიტორის მიკრობანკში არსებულ მიმდინარე ანგარიშზე ჩარიცხვის გზით), დეპოზიტორის მიკრობანკში არსებული მოთხოვნამდე დეპოზიტის ანგარიში იხურება.
- 6.6. ხელშეკრულების შეწყვეტა არ ათავისუფლებს დეპოზიტორს/მიკრობანკს ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან.

მუხლი 7. პრეტენზიები და დავები

- 7.1. დეპოზიტორს უფლება აქვს წარადგინოს პრეტენზია სს მიკრობანკი „ემბისი“ ნებისმიერ სერვის ცენტრში, როგორც ზეპირი, ასევე თავისუფალი წერილობითი, სტანდარტული წერილობითი ან ელექტრონული ფორმით ვებ-გვერდზე <http://www.mbc.com.ge/> ან/და ელ. ფოსტაზე complaint@mbc.com.ge. პრეტენზიის განხილვასთან დაკავშირებით და შესაბამისი პროცედურების შესახებ ინფორმაციის მოძიება შესაძლებელია სატელეფონო კონტაქტის მეშვეობით, ნომერზე (032) 2505002, ან უშუალოდ მიკრობანკის შესაბამის სერვის ცენტრში. მომხმარებლისგან მიღებულ პრეტენზიაზე პასუხის გაცემის მაქსიმალური ვადაა 30 (ოცდაათი) კალენდარული დღე.
- 7.2. ნებისმიერი დავა, წარმოშობილი წინამდებარე ხელშეკრულებიდან ან მასთან დაკავშირებით, მათ შორის ნებისმიერი საკითხი ხელშეკრულების ან/და საარბიტრაჟო შეთანხმების არსებობის, ნამდვილობისა და შეწყვეტის შესახებ განხილვისა და საბოლოო გადაწყვეტილების მიღების მიზნით, უნდა გადაეცეს მუდმივმოქმედ არბიტრაჟს „დავების განმხილველ ცენტრს“ DRC-ს (ს/კ 204547348); მის.: ქ. თბილისი, ვაჟა-ფშაველას 71, სართ.2, ოფისი 11.

ვებგვერდი: WWW.DRC.GE. ამასთან, მხარეთა შეთანხმებით, არბიტრაჟი დავას განიხილავს ზეპირი მოსმენის გარეშე, მიუხედავად სასარჩელო მოთხოვნის (დავის საგნის) ღირებულებისა. მხარეებს შორის, ასევე „დავების განმხილველ ცენტრს“ DRC-ს შორის კომუნიკაცია შესაძლებელია განხორციელდეს ელექტრონული ფორმით, ამ შემთხვევაში შეტყობინება განხორციელდებულად ჩათვლება, თუ იგი მხარეს ჩაბარდა ელ. ფოსტის მეშვეობით. მხარეები თანხმობას აცხადებენ, რომ ხელშეკრულებით განსაზღვრულ ელ. ფოსტის მისამართზე, ელ. ფოსტის საშუალებით, გაგზავნილი შეტყობინება მათთვის ჩაბარებულად ითვლება და აღნიშნულთან დაკავშირებით რაიმე სახის პრეტენზია არ ექნებათ.

მუხლი 8. დასკვნითი დებულებები

8.1. მხარეები ადასტურებენ, რომ ხელშეკრულება შედგენილია მათთვის გასაგებ ენაზე, ყველა პირობა მათთვის მკაფიო და გასაგებია.

8.2. ერთ-ერთი მხარის მხრიდან ხელშეკრულების ან/და კანონმდებლობის დარღვევასთან დაკავშირებით მეორე მხარის მიერ მისთვის მინიჭებული უფლებების გამოუყენებლობა არ გავრცელდება ხელშეკრულების ან/და კანონმდებლობის ნებისმიერ შემდგომ დარღვევაზე.

8.3. ხელშეკრულების რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად ხელშეკრულების ან/და მისი სხვა მუხლ(ებ)ის, პუნქტ(ებ)ის ან/და ქვეპუნქტ(ებ)ის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა ხელშეკრულებით (მათ შორის ბათილი დებულებით) გათვალისწინებული მიზანი.

8.4. წინამდებარე ხელშეკრულების დებულებები ვრცელდება და შესასრულებლად სავალდებულოა მხარეთა უფლებამონაცვლების, მემკვიდრეებისათვის/სამართალმემკვიდრეებისათვის.

8.5. მიკრობანკის წინასწარი წერილობითი თანხმობის გარეშე დეპოზიტორს უფლება არა აქვს რაიმე ფორმით განკარგოს (მათ შორის და არა მხოლოდ, გაასხვისოს, გირავნობით დატვირთოს) ხელშეკრულების საფუძველზე მისთვის მინიჭებული ნებისმიერი უფლება ან/და მესამე პირს გადასცეს მასზე ხელშეკრულებით ნაკისრი ნებისმიერი ვალდებულება, აღნიშნული წესის დარღვევით განხორციელებული ქმედება ან/და გარიგება ბათილია და არ წარმოშობს სამართლებრივ შედეგებს, გარდა კანონმდებლობით გათვალისწინებული შემთხვევებისა. ამასთან, წინამდებარე დებულება არ გულისხმობს დათქმას, რომ დეპოზიტორმა პირადად უნდა შეასრულოს ვალდებულებები და არ გამორიცხავს მიკრობანკის უფლებას მიიღოს მესამე პირისაგან შემოთავაზებული შესრულება.

8.6. დეპოზიტორისთვის ცნობილია, რომ „დეპოზიტების დაზღვევის სისტემის შესახებ“ საქართველოს კანონის შესაბამისად, 2026 წლის პირველი აპრილიდან, ყველა დეპოზიტორის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკში და მიკრობანკში დაზღვეულია და დეპოზიტების დაზღვევის სააგენტოს მიერ ანაზღაურდება 50,000 ლარის ფარგლებში. კომერციულ ბანკში და მიკრობანკში ყველა დეპოზიტორის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: www.diagency.ge.

8.7. წინამდებარე ხელშეკრულება შედგენილია ქართულ ენაზე. იმ შემთხვევაში თუ, ხელშეკრულების დამატებითი ვერსია შედგენილია სხვა ენაზეც, ხელშეკრულების სხვადასხვა ენებზე შედგენილ ვერსიებს შორის შეუსაბამობის აღმოჩენის შემთხვევაში, უპირატესობა მიენიჭება ქართულ ენაზე შედგენილი ხელშეკრულების ვერსიას. ამასთან, ხელშეკრულების ფარგლებში მხარეთა შორის კომუნიკაცია წარმოებს იმ ენაზე (ენებზე), რომელ(ებ)ზეც შედგენილია წინამდებარე ხელშეკრულება.

8.8. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან თითო იდენტური ეგზემპლარი გადაეცემათ მხარეებს.

დეპოზიტორი

(სახელი და გვარი სრულად და გარკვევით)S _____

მიკრობანკი

(სახელი და გვარი სრულად და გარკვევით) _____